

Inatsisartut suleriaasianni § 36, imm. 2 naapertorlugu Naalackersuisunut apeqqut: Nunatsinni killeqarfiit eqqissisimatitaasut killingisa, sermip aakkiartornera ilutingalungu paasiuminaassisimasut/malikkuminaallisimasut ersarissumik killeqarfiisa nutarterneqarnissaat misissuiffigineqarlutillu naliliiffigineqarnissaasa Naalackersuisut qanoq isumaqarfigaat?

(Inatsisartunut ilaasorta, Jakob Skade, Kattusseqatigiit Partiiat)

Akissuteqaat

(Nunamut namminermt, Pinngortitamut Avatangiisinullu Naalackersuisoq)

Naalackersuisut apeqqut ima paasivaat sermersuup tunuariartornerata pinngortitami nunaminertat eqqissisimatitat killilerneqarneri nalileruminaallisikkaat, kiisalu killeqarfiit piusut piniartut umiatsialivinnik oqquiffiusartunik ujarlernissaannut ajornartorsiortitsisartut.

Aallaqqaasiullugu Naalackersuisut oqaatigerusuppaat nunaminertanik eqqissisimatitanik toqqaanermi pinngortitami killeqarfiit ilisariuminartuunissaat paasiuminarluinnartuusariaqarput, soorlu sineriak, qattornit, kuuit, tatsit, qeqertat imaluunniit naleqqat allat ersarissut malinnaaffiginissaannut. Tamanna pingaaruteqarpoq piniartut allallu nunaminertani eqqissisimatitaasuni piumassuserinngisamik inertequtaasunik pissusilersunnginnissaannut. Nunaminertat eqqissisimatitaasut killilerneqarnerat Namminersorlutik Oqartussat nunaminertamik pilersaarusiornermut GIS atorlugu takusassiaanni www.nunagis.gl tamatumunnga periarfissalinnit tamanit takuneqarsinnaavoq.

Sermersuup tunuariartorneranut aamma tamatuma killeqarfilersuinernut sunniutaanut oqaatigineqarsinnaavoq Kalaallit Nunaanni nunaminertat eqqissisimatitat sisamaammata, taakkulu sermersuartaqarput imaluunniit sermersuup tungaanut killeqarfeqarlutik:

- Tunup avannaarsuani nuna eqqissisimatitaasoq,
- Qimusseriarsuarmi uumasunik eqqissisimatitsivik,
- Ilulissat Kangerluat aamma Kuussuaq (Austmannadalen).

Siullernut pingasunut taaneqartunut killeqarfik sermip killinganiit kilometerpassuarnik ungasissuseqarpoq, taamaattumik sermersuup siaruaassimanerata allangornera pissutigalugu piffissami qaninnerusumi killeqarfiup nalorninartuunera ajornartorsiutaalissasoq ilimanangilaq.

Tamanna naleqquttuosorineqaraangat ineriartorneq Naalackersuisunit ataavartumik malinnaaffigineqartarpoq, suliniutillu naleqquttut aallarnisarneqartarlutik. Nunaminertat sisamaannut atatillugu sermip killinga killeqarfiuvoq. (Kuussuup (Austmannadalen) eqqissisimatitaanera pillugu Namminersornerullutik Oqartussat nalunaarutaanni nr. 23-mi, 14. juli 2008-meersumi § 2, imm. 2). Oqaatigisariaqarpoq killeqarfik aalajangersimasuunngimmat, kisiannili sermip siaruaassimaneranut atatillugu nikittartuusoq, taamaalillunilu ersernerluttumik killeqarfiliinissaq pissutissaqarani.

Sumiiffik eqqissimatitaq piniartarnermut atatillugu angallavigeqqusaanngitsoq tassatuaavoq Qimusseriarsuarmi uumasunik eqqissimatitsivik. Sumiiffik tamanna eqqissimatitaavoq qilalukkanillu qernertarnik piniarneq inerteqqutaavoq.

Taamaattorli sila pissutigalugu pisariaqalersillugu piniartut eqqissimatitsiviup oqqiartorlutik umiatsialivissikkiartorsinnaatitaapput. (Qimusseriarsuarmi uumasunik eqqissimatitsivik pillugu Namminersornerullutik Oqartussat nalunaarutaanni nr. 21-mi ulloq 17. maj 1989-imeersumi § 4, imm. 1). Apeqqutigineqartoq tunuliaqutaralugu taamaalilluni sermip tunuariartorerata piniartut oqqiartorlutik umiatsialivissikkiartorsinnaaneritut periarfissaqarnerat sunnerneqarsinnaanngilaq.

Naggasiutigalugu Naalackersuisunit nalunaarutigineqassaaq Qimusseriarsuarmi uumasunik eqqissimatitsivik pillugu nalunaarut nutarterneqarluni ingerlanneqarmat, missingiusiamilu killeqarfiliinerup allanngortinneqarnissaa ilanngunneqarmat, taamaalilluni sinerissamut qaninnerusumi angalasinnaaneq periarfissaalissalluni, tamatumalu kingunerisaanik Kullorsuup aamma Savissiviup akornanni angalanermut atatillugu sillimaniarnermut tunngasut pitsanngortinneqassallutik. Nalunaarut nutartigaq akuerineqartinnani Namminersorlutik Oqartussani allaffeqarfimmi tusarniaassutigineqarpoq, tamatumalu kingorna susassaqtunut allanut avammut tusarniaassutigineqassalluni.